



Concello de Vigo

ACTA DA XUNTA DE GOBERNO LOCAL
Sesión do 28 de xuño de 2018

ASISTENTES:

Membros :

D. Abel Caballero Álvarez
M^a José Caride Estévez
D^a. Olga Alonso Suárez
D. Angel Rivas González.
D^a. M^a. Isaura Abelairas Rodríguez
D. Jaime Aneiros Pereira.

NON ASISTEN:

D^a M^a. Carmen Silva Rego
D. David Regades Fernández
D. Carlos López Font
D. Cayetano Rodríguez Escudero.

Invitados

Eugenia Dolores Blanco Iglesias
D^a. Angeles Marra Domínguez

Na Casa do Concello de Vigo, ás nove horas e vinte minutos do día vinte e oito de xuño de dous mil dezaioito e baixo a presidencia do Excmo. Sr. alcalde, Sr. Caballero Álvarez, coa asistencia dos concelleiros/as anteriormente citados, actuando como Secretaria a concelleira, Sra. Alonso Suárez, constitúese a Xunta de Goberno Local desta Corporación co obxecto de realizar sesión EXTRAORDINARIA E URXENTE de acordo coa orde do día remitida a tódolos membros coa antelación legal precisa.

Están tamén presentes por invitación, a titular do órgano de apoio á Xunta de Goberno Local, Sra. Campos Acuña, e o interventor xeral, Sr. Escariz Couso.

A Xunta de Goberno Local adopta os seguintes acordos:

1(694).- RATIFICACIÓN DA URXENCIA.

A Xunta de Goberno local ratifica a urxencia da sesión.

2(695).- CONTRATACIÓN DA PRESTACIÓN DO SERVIZO DA ACTUACIÓN ARTÍSTICA DO GRUPO INTERNACIONAL “MANÁ” PARA O PROGRAMA “VIGO EN FESTAS 2018”. EXPTE. 7413/335.

Examinadas as actuacións do expediente, visto o informe xurídico do 27/06/18 e o informe de fiscalización do 28/06/18, dáse conta do informe-proposta de data 27/06/18, asinado pola xefa do Servizo de Festas, a concelleira delegada da Área e o concelleiro delegado de Orzamentos e Facenda, que di o seguinte:

Primeiro.- ANTECEDENTES

1.- O Servizo de Festas do Concello de Vigo inclúe na súa programación anual, a organización do programa de “Vigo en Festas 2018”, que conleva a contratación de actuacións artísticas nacionais e internacionais que teñen lugar no Auditorio ao Aire libre de Castrelos nos meses de xullo e agosto. Por este motivo e como consecuencia das resolucións dos decretos da Concelleira de Festas e Turismo de data 5 de xuño de 2018 relativos á composición dos espectáculos e actividades do programa “Vigo en Festas 2018” (expte. nº 7437-335), resolveuse a contratación do espectáculo do grupo internacional “MANÁ” a celebrar no Auditorio ao aire libre de Castrelos o día 23 de xullo de 2018. A proposta foi presentada no servizo de Festas o día 02/02/2018 pola empresa “Sweet Nocturna S.L.”, que ademais afirmaba ter unha data en exclusiva para a cidade de Vigo.

2.- Con data 12 de febreiro de 2018, a Concelleira delegada da área de Festas e Turismo comunica mediante escrito o interese do Concello de Vigo na contratación da actuación artística do grupo “MANÁ” por un importe total de 350.000,00 € máis iva (que fai un total de 423.500,00 €) máis rider técnico, e solicita a confirmación da data de actuación entre o 15 de xullo e o 15 de agosto e o documento que acredite que “Sweet Nocturna” ostenta os dereitos exclusivos para a contratación da actuación de grupo “MANÁ”, na súa condición de promotor en Vigo, no auditorio de Castrelos dentro do programa Vigo en Festas 2018 (Ane-xado como doc. nº 4 do expediente).

3.- Postos en contacto coa empresa “SWEET NOCTURNA S.L”, CIF B-36998524, confirma a posesión da exclusividade artística para a actuación do grupo, e a achega por correo electrónico. No documento de 12 de marzo de 2018, D. Chen Castaño Calvo en representación da entidade PLANET EVENTS, S.A.U. achega o documento onde PLANET EVENTS, S.A.U afirma que ostenta os dereitos exclusivos para a contratación das actuacións do artista “MANÁ” para España no ano 2018 e que autoriza en exclusiva a “SWEET NOCTURNA, S.L.” para organizar na súa condición de promotor do concerto do citado artista que terá lugar o día 23 de xullo de 2018 no Auditorio de Castrelos de Vigo (doc. nº 5 do expediente).

4.- En cumprimento do establecido no artigo 28 da Lei 9/2017, de 8 de novembro de Contratos do Sector Público, a técnica de xestión do Servizo de Festas con data 12 de xuño de 2018 e coa conformidade da xefa do Servizo de Festas e da Concelleira de Festas e Turismo, emite informe da necesidade e idoneidade da contratación da prestación do servizo consistente na celebración dun espectáculo musical a cargo da banda de rock internacional “MANÁ” a celebrar o día 23 de xullo de 2018, no Auditorio ao Aire libre de Castrelos, con motivo do Programa “Vigo en Festas 2018”.

5.- Con data 12/06/2018, a Concelleira de Festas e Turismo resolve que se inicie o expediente necesario para a contratación da prestación do servizo consistente na celebración do espectáculo musical a cargo da banda internacional “MANÁ” a celebrar o día 23 de xullo de 2018, no Auditorio ao aire libre de Castrelos, con motivo do Programa “Vigo en Festas 2018”.

6.- Con data 12 de xuño de 2018, redáctase o Prego de prescricións técnicas particulares pola Técnica de xestión do Servizo de Festas.



Concello de Vigo

7.- Con data 27/06/2018, a Técnica de xestión do Servizo de Festas asina a Memoria xustificativa que contén os elementos básicos do contrato, que é conformada pola Xefa do Servizo de Festas.

8.- Redactase o prego de prescricións administrativas particulares, asinado pola Xefa do Servizo de Contratación con data 27/06/2018.

9.- O orzamento base de licitación co iva incluído ascende a 477.950,00 € correspondendo 82.950,00 € ao iva que podería imputarse á aplicación 3380.226.09.06 "Festas de Vigo" do orzamento vixente. Enténdese que o prezo se atopa dentro dos parámetros do mercado ao ser o importe establecido pola empresa que posúe o seus dereitos.

Segundo.-NORMATIVA DE APLICACIÓN

Lei 9/2017, de 8 de novembro de Contratos do Sector Público.

Real Decreto 817/2009, de 8 de maio, polo que se desenvolve parcialmente a LCSP.

Regulamento Xeral da Lei de Contratos das Administracións Públicas, aprobado mediante Real Decreto 1098/2001, de 12 de outubro, (RGLCAP), en todo o que non se opoña a LCSP. Lei 39/2015, do 1 de outubro, de Procedemento Administrativo Común das Administracións Públicas (LPAC).

Lei 7/1985, de 2 de abril, reguladora das bases do réxime local, modificada pola Lei 57/2003, de 16 de decembro, de medidas para a modernización do goberno local e pola Lei 27/2013 de 27 de decembro de racionalización e sostibilidade da Administración Local.

Real Decreto Lexislativo 781/1986, de 18 de abril, polo que se aproba o texto refundido das disposicións legais vixentes en materia de réxime local.

Lei de Galicia 5/1997, de 22 de xullo, de Administración Local de Galicia.

Lei 25/2013 de 27 de decembro, de Impulso da factura electrónica e creación do rexistro contable de factura no sector público.

Lei 19/2013 de 9 de decembro de transparencia, acceso á información e bo goberno.

Terceiro.-FUNDAMENTOS DE DEREITO

Primeiro: De conformidade cos artigos 25.1. e 25.2.m da Lei 7/1985 de 2 de abril reguladora das Bases do Réxime Local, e cos artigos 80.1 e 80.2.n da lei de Galicia 5/1997 de 22 de xullo de Administración Local de Galicia, os municipios poderán promover e realizar actividades culturais.

Segundo: O expediente de contratación iníciase polo órgano de contratación de acordo co disposto no artigo 116 da Lei 9/2017, de 8 de novembro, de Contratos do Sector Público (LCSP); no Concello de Vigo esta competencia atópase delegada nos Concelleiros de Área segundo o Decreto de delegación de competencias de Alcaldía do 19 de xuño de 2015 e acordo da Xunta de Goberno local de 19 de xuño de 2015). Consta ademais a memoria xustificativa asinada pola Técnica de xestión, Xefa do Servizo e pola Concelleira responsable, e o prego de prescricións técnicas particulares asinados pola Técnica de xestión e a Xefa do Servizo e o prego de prescricións administrativas particulares, asinado pola Xefa do Servizo de Contratación.

Terceiro: En cumprimento do establecido no artigo 28 da LCSP a Técnica de xestión, xunto coa Xefa do Servizo de Festas e coa Concelleira da Área de Festas e Turismo asinaron o informe da necesidade e idoneidade da contratación da prestación do servizo consistente na celebración do espectáculo musical a cargo da banda de rock internacional

“MANÁ” a celebrar o día 23 de xullo no Auditorio ao aire libre de Castrelos con motivo do Programa “Vigo en Festas 2018”.

Cuarto: No relativo á clasificación do contrato segundo o establecido no artigo 17 LCSP trátase dun contrato de servizos. A forma de tramitación do expediente será a ordinaria, conforme ó disposto no artigo 116 da LCSP. O contrato ten a consideración de contrato privado de acordo ao disposto no artigo 25. 1. a) da devandita Lei. O contrato adxudicarase conforme ao procedemento negociado sen publicidade, por canto, de acordo co artigo 168.a 2º LCSP, por motivos relacionados coa protección de dereitos de exclusiva o contrato só pode encomendarse a un empresario determinado, que ostenta os dereitos de exclusiva da actuación do artista.

Quinto: Ao expediente se incorporará o informe favorable da Asesoría Xurídica e o certificado de existencia de crédito, documento que incorporará o servizo de Intervención Xeral, quen ademais fiscalizará previamente para a súa aprobación o expediente.

Sexto: A competencia para aprobación do presente expediente correspóndelle á Xunta de Goberno Local, na súa calidade de órgano de contratación ao amparo da Disposición adicional segunda da LCSP. Consonte ao estipulado no artigo 117 da citada lei, a resolución deberá ser motivada e aprobará o expediente de contratación e disporá a apertura do procedemento de adxudicación e implicará a aprobación do gasto.

A vista das anteriores circunstancias, e previos os informes da Asesoría Xurídica e da Intervención Xeral, proponse á Xunta de Goberno Local como órgano de contratación, en uso das facultades que lle confire a lexislación vixente, a adopción do seguinte acordo:

PROPOSTA:

Primeiro.- Aprobar o expediente de contratación da prestación do servizo da actuación artística a cargo do grupo internacional “MANÁ” a celebrar o día 23 de xullo de 2018, as 23:00 horas no Auditorio ao Aire libre de Castrelos, con motivo do Programa “Vigo en Festas 2018” (expediente nº 7413-335), que contén o prego de prescricións técnicas particulares de data 12 de xuño de 2018 asinado pola Técnica de Xestión do Servizo de Festas, e o prego de prescricións administrativas particulares de data 27 de xuño de 2018, asinado pola Xefa do Servizo de Contratación.

Segundo .- Autorizar un gasto por un importe total de 477.950,00 € (correspondendo 82.950,00 € ao iva) con cargo á aplicación orzamentaria 3380.226.0906 (Festas de Vigo) do programa de Festas para o vixente exercicio económico.

Terceiro.- Abrir o procedemento de licitación na forma legalmente prevista.

Acordo

A Xunta de Goberno local aproba a proposta contida no precedente informe.

3(696).- PROXECTO DE EXECUCIÓN DE “REHABILITACIÓN E TRANSFORMACIÓN DO CONTORNO URBANO DA GRAN VÍA – ENTRE A RÚA MARÍA BERDIALES E A RÚA VENEZUELA. EXPTE. 3827/443.



Concello de Vigo

Examinadas as actuacións do expediente, visto o informe de fiscalización do 27/06/18, dáse conta do informe-proposta da mesma data, asinado polo xefe do Servizo Administrativo e de Control Orzamentario, a xefa da Área de Xestión Patrimonial e Territorial e o concelleiro delegado de Fomento, que di o seguinte:

ANTECEDENTES DE FEITO

I.- Con data 14 de decembro de 2016 publícase Resolución do 12 de decembro de 2016, da Secretaría de Estado de Orzamentos e Gastos (Boletín Oficial do Estado nº 301), pola que se resolve definitivamente a primeira convocatoria para a selección de Estratexias de Desenvolvemento Urbano Sustentable e Integrado que serán cofinanciadas mediante o Programa Operativo FEDER de Crecemento Sustentable 2014-2020 (Orde HAP/2427/2015, de 13 de novembro), na cal entre outros aspectos CONCÉDE de forma definitiva axuda do Fondo Europeo de Desenvolvemento Rexional ao proxecto presentado polo Concello de Vigo denominada “VIGO VERTICAL”, por un importe de 15.000.000,00 €.

II.- O proxecto EDUSI VIGO VERTICAL, ten como obxectivo principal impulsar a transformación da área seleccionada en termos físicos, ambientais, económicos, sociais e culturais, creando oportunidades de emprego e mellorando a contorna urbana, polo cal dita estratexia, segundo a Orde do Ministerio de Facenda e Administracións Públicas HAP/2427/2015, constitúe o marco para a posterior selección por parte das Entidades beneficiarias das operacións a desenvolver na cidade ou na área definida en cada caso.

III.- Para levar a cabo esta actuación a Xunta de Goberno Local en sesión de data 15.06.2017 acordou adxudicar o procedemento aberto para a contratación dos servizos de redacción do proxecto de execución das obras de rehabilitación e transformación do contorno urbano da Gran Vía (4.467-440), a prol da empresa ICEACSA CONSULTORES, S.L.U.

IV.- O orzamento municipal, aprobado definitivamente polo Concello-Pleno, en sesión de 27 de decembro de 2017 recolle dentro do capítulo VI, a aplicación orzamentaria 1539.619.00.00 “DUSI Gran Vía, OT4/OT6, LA: 6,9,10,11,13,14, 1ª anualidade”.

V.- A Xunta de Goberno Local de data 26.06.2018 acordou “Renunciar ao procedemento aberto para a contratación das obras do proxecto de “rehabilitación e transformación do contorno urbano da gran vía entre a rúa lepanto e a rúa nicaragua” aprobado por este órgano en data 8 de febreiro de 2018”, co obxecto da aprobación dun novo proxecto que se reduza o ámbito de actuación á franxa da Gran Vía que se atopa a máis de 20 metros dos edificios catalogados, zona que non resulta afectada polas limitacións pretendidas pola Xunta de Galicia.

VI.- A empresa ICEACSA CONSULTORES, S.L.U. presentou proxecto de execución das obras de “REHABILITACIÓN E TRANSFORMACIÓN DO CONTORNO URBANO DA GRAN VÍA - ENTRE A RÚA MARÍA BERDIALES E A RÚA VENEZUELA-” redactado polo equipo técnico de ICEACSA CONSULTORES S.L.U e asinado polo Enxeñeiro de Camiños, Canais e Portos, D. Roberto Núñez de Arenas Basteiro, cun orzamento base de licitación máis IVE de CINCO MILLÓNS CENTO OITENTA E NOVE MIL OITOCENTOS SESENTA E DOUS

EUROS CON NOVENTA E NOVE CÉNTIMOS (5.189.862,99 €), de maio de 2018 e con sinatura dixital de datas 7 e 13 de xuño de 2018.

VII.- O Enxeñeiro Xefe de Vías, Obras e Infraestruturas, en data 08.06.2018, informou que o proxecto de obras presentado cumpre cos obxectivos do contrato, polo que o Concelleiro Delegado da Área de Fomento, en data 11.06.2018, resolveu iniciar expediente para a aprobación do citado proxecto.

VIII.-Proponse unha actuación na Avenida de Gran Vía desde os entronques das Rúas Brasil e María Berdiales ata a Rúa Venezuela, dividindo o tramo completo de lonxitude aproximada de 205 metros en dúas illas, unha entre o primeiro encontro e a Rúa Ecuador e unha segunda illa entre a Rúa Ecuador e a Rúa Venezuela.

O obxecto do proxecto é desenvolver unha actuación integrada que provoque un efecto transformador dun dos principais eixos vertebradores do desenvolvemento urbano da cidade de Vigo, potenciando o tránsito peonil. Os obxectivos a acadar, entre outros, son os seguintes: incorporación de elementos de transporte mecánico, mellora eficiencia enerxética das infraestruturas e equipamentos, creación de rutas en ámbitos históricos, artísticos culturais co fomento do uso peonil, xeración de espazos abertos de descanso, reordenación e regulación do viario urbano con potenciación do transporte público e peonil.

Procederase á renovación completa das redes de saneamento de fecais, nova rede de pluviais e novas redes de abastecemento e de rego, que se efectuará previa escavación de gabias, compactado de subsolo, colación de canalizacións segundo as determinacións e seccións definidas no proxecto, recheo de gabias, pozos de conexións necesarios e conexións dos edificios existentes coas redes propostas.

No referente ao alumeado eléctrico, procederase a retirada do existente tanto de luminarias como de canalizacións e cadros, efectuando unha nova rede soterrada e novas luminarias e cadros de mando e control. Tamén se modificará a traza da canalización existente efectuando a mesma enterrada, así como a modificación da localización do centro de transformación existente. Na Rede de gas prevense actuacións puntuais sobre a existente a fin de que non interfiran na execución das obras.

Na rede de telecomunicacións, prevese a desviación das canalizacións que dan servizo a compañía R e telefónica, efectuando a nova canalización soterrada.

Proponse unha nova creación de rede de rego enterrada, axusta a nova proposta de axardinamento e masa arbórea proposta no proxecto.

Unha vez finalizadas as actuacións de soterramento, procederase a pavimentar as zonas de rodaxe a base de previa compactación, capa de zorra de 20cm, base de formigón de 20cm, pavimentos asfálticos tipo AC-22 BIN 20/70 de 9 cm e acabado MBC tipo AC-SURF 50/70 de 6cm de espesor, en zonas de pasos de peóns, proponse como acabado sobre a zorra, formigón armado tipo HA30/B/12IIa, desactivado mediante sistema paviprint con macrofibra estrutural de 20 cm de espesor.

Nas zona exclusivamente peonís, proponse sobre a explanada compactada, unha base de



Concello de Vigo

formigón de 15 cm. de espesor, morteiro de cemento e arena, e baldosa de formigón prefabricado de 12 cm. de espesor, con bordo de granito nos remates de beirarrúas coas vías.

No bulevar proxéctase unha cuberta a base de pórticos de perfilaría metálica lacada en cor e paramentos tanto verticais como horizontais en vidro, o que vai permitir o uso das ramplas e as zonas estanciais en época de choiva.

Para finalizar procederase a efectuar a sinalización definitiva, e colocarse o mobiliario urbano proposto no proxecto.

O prazo estimado para a execución das obras descritas é de 8 meses.

VIII.- Consta no expediente administrativo de referencia informe da Xefa do Servizo de Patrimonio Histórico de data 13.06.2018, en relación a obrigatoriedade de recabar autorización sectorial en materia de conservación do patrimonio, indicando que as obras proxectadas atópanse FÓRA da área de protección arqueolóxica, arquitectónica ou etnográfica.

XIX.- O Xefe da Oficina de Supervisión de Proxectos, Inspección Técnica de Obras e Asistencia Técnica Municipal, emite en data 13.06.2018 informe de supervisión do proxecto obxecto deste expediente, indicando que a documentación do proxecto considérase completa, e que o proxecto toma en consideración as disposicións xerais de carácter legal e regulamentario, así como a normativa técnica de aplicación, reunindo todos os requisitos esixidos pola “Lei 9/2017, do 8 de novembro, de Contratos do Sector Público, pola que se traspoñen ao ordenamento xurídico español as Directivas do Parlamento Europeo e do Consello 2014/23/UE e 2014/24/UE, do 26 de febreiro de 2014” (en adiante, LCSP) e polo “Regulamento Xeral da Lei de Contratos das Administracións Públicas, aprobado por RD 1098/2001 de 12 de outubro”, polo que se informa favorablemente, aos efectos de control ordenado polo artigo 235 da citada lei. En relación coas condicións urbanísticas informe favorablemente o axuste da proposta ás ordenanzas en vigor.

CONSIDERACIÓNS DE DEREITO

I.- A previsión orzamentaria de contratación da execución das obras obxecto do presente expediente require, como actuación preparatoria, de acordo co artigo 231 da LCSP, a elaboración, supervisión, aprobación e replanteo do correspondente proxecto de obras que definirá con precisión o obxecto do contrato.

II.- Os contidos mínimos e esixencias que debe reunir o proxecto de obras e o ámbito da verificación do proxecto de obras, a realizar polas oficinas de supervisión de proxectos especifícanse, nos artigos 233 e 235 da LCSP , e 125 a 137 do Regulamento Xeral da Lei de Contratos das Administracións Públicas , aprobado por Real Decreto 1098/2001, de 12 de outubro.

III.- O proxecto de obras, segundo resulta dos informes técnicos que obran no expediente, cumpre cos obxectivos da actuación proposta, refírese a unha obra completa e nel tivéronse en conta as disposicións xerais de carácter legal e regulamentario, así como a normativa

técnica, de aplicación ao proxecto, tal e como resulta da táboa que figura no informe da Oficina de Supervisión de Proxectos Municipal, na que pormenorizadamente e con indicación da súa concreta localización no documento, se especifican os requisitos legais, regulamentarios e técnicos que reúne o proxecto.

IV.- A aprobación do proxecto corresponde ao órgano de contratación, a tenor do disposto no artigo 231 da LCSP, que de acordo coa disposición adicional 2ª.4 da LCSP, é a Xunta de Goberno Local, previo informe de fiscalización da Intervención Xeral Municipal (artigo 214 do Texto Refundido da Lei reguladora de Facendas Locais, aprobado por R.D.2/2004, de 5 de marzo).

V.- Aprobado que sexa o proxecto e previamente á tramitación do expediente de contratación da execución da obra, procederase a efectuar o replanteo do mesmo (artigo 236 da LCSP).

Polo exposto, propónse á Xunta de Goberno Local a adopción do seguinte:

ACORDO

Aprobar o proxecto de execución de “REHABILITACIÓN E TRANSFORMACIÓN DO CONTORNO URBANO DA GRAN VÍA - ENTRE A RÚA MARÍA BERDIALES E A RÚA VENEZUELA-” redactado polo equipo técnico de ICEACSA CONSULTORES S.L.U e asinado polo Enxeñeiro de Camiños, Canais e Portos, D. Roberto Núñez de Arenas Basteiro, cun orzamento base de licitación máis IVE de CINCO MILLÓNS CENTO OITENTA E NOVE MIL OITOCENTOS SESENTA E DOUS EUROS CON NOVENTA E NOVE CÉNTIMOS (5.189.862,99 € EUROS), de maio de 2018 e con sinatura dixital de datas 7 e 13 de xuño de 2018.

Acordo

A Xunta de Goberno local aproba a proposta contida no precedente informe.

E sen ter máis asuntos que tratar, o Sr. presidente rematou a sesión ás nove horas e vinte e cinco minutos. Como secretaria dou fé.

me.

A CONCELLEIRA-SECRETARIA DA XUNTA DE GOBERNO LOCAL,
Olga Alonso Suárez.

O ALCALDE
Abel Caballero Álvarez